



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU STRANKE REGIJE LIVNO

Broj: 03-07-6-37/13
Sarajevo, 24. mart 2014. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja STRANKE REGIJE LIVNO za 2012. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine i Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja STRANKE REGIJE LIVNO za 2012. godinu, utvrđeno je da je STRANKA REGIJE LIVNO prekršila odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine i člana 12. stav (4) Zakona o finansiranju političkih stranaka, koji je na snazi od 05.12.2012. godine.

Na osnovu našeg pregleda, odnosno kontrole finansijskog izvještaja, a obzirom na činjenicu da politička stranka nije dostavila kompletnu dodatnu finansijsku dokumentaciju, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja STRANKE REGIJE LIVNO za 2012. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja STRANKA REGIJE LIVNO je ostvarila ukupne prihode u iznosu od 172,00 KM¹, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prih. %
1	Članarina	172,00	100,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	Ostali prihodi	0,00	0,00%
	Ukupni prihodi:	172,00	100,00%

U godišnjem finansijskom izvještaju stranka je iskazala ukupne rashode u iznosu od 172,00 KM².

2. PREDSTAVLJANJE POLITIČKE STRANKE

Naziv političke stranke: STRANKA REGIJE LIVNO. Skraćeni naziv: SRL.

Dana 26.04.2010. godine, STRANKA REGIJE LIVNO je upisana u registar Općinskog suda u Livnu rješenjem broj: 068-0-F1-10-000 001.

Sjedište političke stranke je u Livnu, Kneza Višeslava 3b.

Za zastupanje stranke ovlašten je Antonio Džaja, predsjednik.

Lice ovlašteno za podnošenje finansijskih izvještaja za 2012. godinu je Antonio Džaja.

Prema podacima iz godišnjeg finansijskog izvještaja za 2012. godinu, STRANKA REGIJE LIVNO nema niže nivoe organizovanja (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj STRANKE REGIJE LIVNO za 2012. godinu.

¹ Podaci iz ispravljenog obrasca 3 (ukupni prihodi političke stranke) godišnjeg finansijskog izvještaja za 2012. godinu, koji je dostavljen dana 23.09.2013. godine.

² Podaci iz ispravljenog obrasca 4 (ukupni rashodi političke stranke) godišnjeg finansijskog izvještaja za 2012. godinu, koji je dostavljen dana 23.09.2013. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja STRANKE REGIJE LIVNO obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Obavljen je pregled godišnjih finansijskih izvještaja STRANKE REGIJE LIVNO za 2010. i 2011. godinu, nakon čega su izdati izvještaji o pregledu sa mišljenjem revizora i nalazima.

Nakon izvršenog pregleda za 2011. godinu, Služba za reviziju je izdala Izvještaj o pregledu godišnjeg finansijskog izvještaja STRANKE REGIJE LIVNO sa mišljenjem revizora, nalazima revizije i preporukama da stranka treba postupati u skladu sa odredbama člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2012. godinu, utvrđeno je da STRANKA REGIJE LIVNO nije ispoštovala preporuke iz Izvještaja o pregledu godišnjeg finansijskog izvještaja za 2011. godinu, odnosno i dalje ne vodi potpune evidencije o svojim prihodima i rashodima i finansijske izvještaje ne popunjava u skladu sa odredbama Pravilnika o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

a) STRANKA REGIJE LIVNO prekršila je odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

Na osnovu obavljenog pregleda, utvrđeno je da STRANKA REGIJE LIVNO nije pravilno evidentirala prihode i rashode i da obrasce godišnjeg finansijskog izvještaja za 2012. godinu nije popunila u skladu sa odredbama tada važećeg Pravilnika o godišnjim finansijskim izvještajima političkih stranaka („Službeni glasnik BiH“, broj 61/06) - u daljem tekstu: Pravilnik, čime su prekršene odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

- (1) Uvidom u godišnji obračun (bilans uspjeha) za 2011. godinu, utvrđeno je da stranka nije evidentirala prihode po osnovu nenovčane donacije u iznosu od 200,00 KM i troškove zakupa poslovnog prostora iznosu od 200,00 KM, čime su prekršene odredbe člana 11. stav (1) Zakona o finansiranju političkih stranaka, koji je bio na snazi do 04.12.2012. godine.
- (2) Uvidom u obrazac 3 (ukupni prihodi političke stranke) i obrazac 3-e (nenovčane donacije i računi koje stranka nije imala obavezu da plati) godišnjeg finansijskog izvještaja utvrđeno je da STRANKA REGIJE LIVNO nije iskazala nenovčanu donaciju fizičkog lica u vidu besplatnog korištenja prostorija u iznosu od 200,00 KM, čime su prekršene odredbe člana 13. i člana 16. Pravilnika.

Naime, pregledom je utvrđeno da je STRANKA REGIJE LIVNO za svoj rad koristila, bez naknade, prostorije u vlasništvu fizičkog lica. Prema izjavi, vrijednost nenovčane donacije je iznosila 200,00 KM.

STRANKA REGIJE LIVNO, takođe, nije u obrascima 4 (ukupni rashodi političke stranke) i 4-1 (režijsko-administrativni i ostali troškovi) godišnjeg finansijskog izvještaja iskazala troškove zakupa poslovnog prostora u iznosu od 200,00 KM, čime je prekršila odredbe člana 20. i 21. Pravilnika.

b) STRANKA REGIJE LIVNO prekršila je odredbe člana 12. stav (4) Zakona o finansiranju političkih stranaka, koji je na snazi od 05.12.2012. godine.

Dana 28.08.2013. godine, Centralna izborna komisija Bosne i Hercegovine je STRANCI REGIJE LIVNO uputila Zahtjev za dostavljanje dodatne dokumentacije za 2012. godinu³, i to: glavnu knjigu sa kompletnim analitičkim evidencijama stranke za period 01.01.-31.12.2012. godine i dokumentaciju o uplaćenim sredstvima.

Centralna izborna komisija Bosne i Hercegovine je, dana 26.11.2013. godine, stranci uputila Urgenciju za dostavljanje dodatne dokumentacije⁴, kojom je od stranke zatraženo da dostavi glavnu knjigu sa kompletnim analitičkim evidencijama stranke za period 01.01.-31.12.2012. godine.

STRANKA REGIJE LIVNO je na navedenu Urgenciju dostavila Prometni list salda konti kupaca i dobavljača i Bruto bilans za period 01.01.-31.12.2012. godine, ali glavnu knjigu sa analitičkim karticama prihoda i rashoda nije dostavila, čime je postupila suprotno odredbi člana 12. stav (4) Zakona o finansiranju političkih stranaka.

5.2. PREPORUKE

Preporučuje se STRANCI REGIJE LIVNO da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi evidencije o svojim prihodima i rashodima,*
- *da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja dodatnu dokumentaciju koju od nje zatraži Centralna izborna komisija Bosne i Hercegovine.*

KOMENTAR:

U ostavljenom roku, STRANKA REGIJE LIVNO nije dostavila primjedbe na Preliminarni izvještaj o pregledu godišnjeg finansijskog izvještaja za 2012. godinu.

šef Odsjeka za revizijske poslove, revizor

Sanja Tošović

šef Službe za reviziju

mr. sc Hasida Gušić

³ Zahtjev broj: 03-07-6-37-3/13.

⁴ Urgencija broj: 03-07-6-437-3/12.